

# यूहन्नां चवःगु निगूगु पौ

## म्हसीका

थ्व पौ यूहन्नां “थकालि” कथं “मिसा व वया मस्तय्त” चवःगु खः। “मिसा व वया मस्त” या अर्थ अन च्वंगु मण्डली व मण्डलीया विश्वासीत जुइमा। यूहन्नां थुकी चिहाकय्क विश्वासीतय्त थःथवय् माया याना च्वनेत व फताहा गुरूत व इमिगु शिक्षा पारखें बचय् जुया च्वनेत ख्याचवः बियातःगु दु।

## धलः पौ

न्द्खँ .....	१-३
माया हे दक्वसिबय् तःधं .....	४-६
मखुगु शिक्षा पारखें बचय् जुयाच्वनेगु ख्याचवः .....	७-११
क्वचाय्कूगु .....	१२-१३

## २ यूहन्ना

### यूहन्नापाखें ज्वजलपा

१ परमेश्वरं ल्ययादीम्ह मिसा व वया मस्तयत् जि मण्डलीया थकालिं छि-मित धात्थेंयागु माया याना। सत्ययात म्हस्यूपिं फुक्कसिनं छिमित माया यानाच्वंगु दु। २ थ्व सत्य भीगु नुगल्य् न्हाबलें दयाचवनी।

३ अले थ्व हे सत्य व मायां याना: परमेश्वर बा: व वय्क:या काय् येशू ख्रीष्टं भीत दया माया व शान्ति बियादी।

### सत्य व माया

४ भी बा:नं धयादी थें आम्कन मण्डलीइ च्वंपिं गुलिं गुलिं मस्तय्सं सत्ययात मानय् याना च्वंगु सिया: जि तसकं हे लय्ताया च्वनागु दु।

५ अय्जूगुलिं नं आम्कन मण्डलीइ च्वंपिन्सं थ:थवय् माया याना च्वं धका: जिं छिमित बिन्ति याना हयागु ख:। न्हापानिसें हे भीत थ:थवय् माया

याना च्वनेमा: धका: धयात:गु ख:, उकिं थ्व न्हूगु खँ मखु।\* ६ वय्क:यागु आज्ञा मानय् यायेगु हे धात्थेंयागु माया ख:। छिमिसं न्हापानिसें न्यंगु आज्ञा थ्व हे ख: — छिमिसं थ:थवय् माया याना च्वं।

७ येशू ख्रीष्ट मनु जुया: भा:गु मखु धका: धाइपिं मनूत नं थ्व संसारय् यक्व दु। थुपिं फताहात ख:। थुपिं ख्रीष्टया शत्रुत नं ख:। ८ अय्जूगुलिं होश याना च्वं, मखुसा छिमिसं थथे ज्या सनाच्वंगु फुक्कं सितिं वनी। बरु प्रभुं बी धका: तया त:गु फुक्क सिरपा: काये फय्कि। ९ सुनानं येशू ख्रीष्टं स्यनादीगु खँ मानय् मयासे मेमेगु हे याना जुल धा:सा अज्या:म्ह मनु नाप परमेश्वर च्वनादी मखु। तर येशू ख्रीष्टं स्यनादीगु खँ मानय् याना जूपिं नाप परमेश्वर व वय्क:या काय् येशू ख्रीष्ट निम्हं च्वनादी।

१० अय्जूगुलिं येशू ख्रीष्टं स्यनादीगु खँ नाप पाय्छि मजुइक मेकथं हे

स्यना जुइपिं मनूत छिमिगु छैँय्  
 वःसा इमित दुकाये मते। थज्याःपिं  
 मनूतय्त ज्वजलपा नं याये मते।  
 ११सुनानं थज्याःपिं फताहातय्त  
 ज्वजलपा यासाः ज्वजलपा याःपिं  
 मनूतय्सं इमिगु मभिंगु ज्याय् ब्वति  
 काःगु जुइ।

१२जिं छिमित च्वये माःगु खँ ला  
 यक्व हे दु। तर मसी व भ्वँतं मखु।  
 आम्कन हे वयाः धाये, अले भीपिं  
 सकलें लय्ताय् खनी।  
 १३थन च्वंगु मण्डलीयापिं विश्वासी-  
 तय्सं नं छिमित ज्वजलपा धया हःगु  
 दु।